

'KICHI OGIMA ANISHINABE AKOZIWIGAMIGON' TIBAKONIDIWIN¹

Kígííndige na 'Kichi Ogimágamig Anishinábe Akoziwigamig'? Kíshpin enhenh, enábígis nábowádin iyo mámidonábandan wewenind megá kiwidókágon ondji tibahige inákonigewin.

Nígán inakág Inákonigewin ogí oditinán ondji awaso tibákonidiwin kidji nakwetamowadj ka madji ahindowadj píndj kitawenindamowin, madji ikidowin, nindaziwágan ashidj/konima wísagápinakí, ákoziwigamigon mádjishkatowadj Kichi Ogimágamig, kikenindágwak 'Kichi Ogimágamig Anishinábe Akoziwigamigon'. Tibákonidiwin ájaye kegád oga kikenindán apích kidji minwábandang Inákonigewin. Awaso Mámidonábandán ki wíndamágon ashidj keda ijichigen.

Awaso Mámidonábandán otibádodán kágídizi endajimindj, násáb idodj tánginádiwin ashidj wísagápinakíwin, awiyeg konima odámikán eshkam nishiwánadenindamowin konima gaye nanegádjítowin. Awaso kikenindamókíwin kiwíndamágon kego wenshishing nakág nígán Inákonigewin. Kíshpin kín konima kodag awiya mádjí ánimizidj konima gaye wí ganónadj awiyan, wídókázowin tagon ondji Apenimo kidji Mino Pimádizi Madwesidjigan : 1-855-242-3310 konima www.hopeforwellness.ca.

AWEGONEN TASH AWASO?

'Kichi Ogimágamig Anishinábe Akoziwigamigon', ondji Anishinábeg ákoziwjig, kítagonon mádjishkatodj Kánáda. Kikádjítágoziwin, násáb igodj kitawenindamowin, madji ikidowin, nindaziwágan ashidj/konima wísagápinakíwin, ogí tódamok awasonon Akoziwigamigon.

Iye tibákonidiwin wíndamáge ogí píkobidonawa ka mádjishkatowadj ono 'Kichi Ogimágamig Anishinábe Akoziwigamigon', Kánáda ogí pókibidon tibisatwáwin kidji nágadowábamáwadj Anishináben ka píndigedjig awasonon tawa Akoziwigamigon. Iye tibákonidiwin ogí nándawábandán nanábaniziwin ondji wísagápinakíwin ondji pemádzidjig ka píndigedjig indaje 'Kichi Ogimágamig Anishinábe Akoziwigamigon'. Iye Kichi Ogimá Tibákonidiwin ogí mikán awaso inákonigewin ayon **Kenozidj Kízis 17, 2020**.

AWEGONEN TASH IYE MINWABANDAN INAKONIGEWIN?

Kánáda kí nakwetam kidji kíjíkázodj ondji ogog Ka Kodagítódjig ánimiziwin ashidj kitawenindamowin, madji ikidowin, nindaziwágan ashidj/konima wísagápinakíwin, 'Kichi Ogimágamig Anishinábe Akoziwigamigong'.

Kíjíkázowin ondji mádjise wendji nasawehí \$10,000 ako \$200,000 mikáganiwin sanagad ka madji ahindowadj.

Ogog Ka kichi Wísagápinakí oga oditinawa kíjíkázowin ijiwebad megwadj abiwadj 'Kichi Ogimágamig Anishinábe Akoziwigamigong'.

Nígán inakág Tibákonidiwin ashidinán:

- Mino Pimádizi Wídókázowin ta mígiwe \$150,000,000 kidji wídókázodj kidji minayodj, mino pimádiziwin, ponenindamowin, ganawenindang inwewinan, kikinámágewin ashidj kesháwadj ijichigewinan;
- Andakíkenindjigewin ashidj Kesháwadj Ijichigewin oga mígiwen \$235,500,000 kidji wídókázodj andakíkenindjigewin ashidj kikinámágowin nakág 'Kichi Ogimágamig Anishinábe Akoziwigamigon', kidji ganawenindagóg ánikeyádjimowin 'Kichi Ogimágamig Anishinábe Akoziwigamigon', ashidj kidji mikáganewang ningwáki ka ijiwebad pinawígo onong Akoziwigamigon; ashidj
- \$150,000,000 wídókázowin tagon kidji mishág Anishinábe Inanokíwin Kánáda, kidji ondinamowadj ogog Ka Animizidjig mino pimádiziwin ashidj minwayáwin kakina awaso Tibákonidiwin Inákonigewin ka mádjiseg.

Níbina kikenindjigewin kidji wídókágon ashidj Kíjíkázowin kida mikán inábiyen Tibákonidiwin Inákonigewin mazinahigan indaje. Kida mikán eshkwemag iye Tibákonidiwin Inákonigewin ashidj Nanda Ijichigewin nakag Kichi Ogimágamig Anishinábe Akoziwigamigon Tibákonidiwin Inákonigewin ayeng: www.IHClassAction.ca.

AWENEN TASH ASHIDAGINDAWAG ONDJI MINWABANDAN INAKONIGEWIN?

Mazináde awenen ke nóswáhadón:

- 1) **Nitam Tibákonidiwin Abidjig :** kakina awiyeg ka píndigedj 'Kichi Ogimágamig Anishinábe Akoziwigamigon' ka mádjishkatodj Kichi Ogimá apích (Kenozidj Kízis 1, 1936 ako Pidji Pibon Kízis 31, 1981).

¹ Inen tebwewini mazinahiganan ondji awaso tibabákonidiwin ábadjítónan nánind ikidowin nóngom nisidawínággog ega wewenind, pagwanawi kikenindamowin, ashidj shíngenindágwag. Onomán ikidowin pi onzikán megwádj Kichi Ogimá-Anishinábe ijichigewin ega wewenind takokíwádj pónenindamowin. Onomán ikidowin eta igodj ábadadon apích ijinágwag ondji tibákonige kwechigodj, konima gaye wíndaman andwánikewendjising.

2) Inódeg Tibákonidiwin Abidjig: igeg Nitam Tibákonige Inódeg.

Eta Nitam Tibákonidiwin Abidjig kida oditinawa kǐjǐkázowin iyo Minwábandan Inákonigewin. Kidji wídókágon, iya Nitam Tibákonidiwin Abidj mámakádj keda ayádj:

- 1) Iya ka pǐndgedj 'Kichi Ogimágamig Anishinábe Akoziwigamig' apích iye 'Kichi Ogimágamig Anishinábe Akoziwigamig' mádjǐshkatodj Kichi Ogimá, ashidj
- 2) Inigázo madji ahindowin, ashidinigádeg kitawenindamowin, madji ikidowin, nindaziwágan ashidj/konima wísagápinakiwin, apích megwadj abidj 'Kichi Ogimágamig Anishinábe Akoziwigamig'.

Mawandobíhigewin inen 'Kichi Ogimágamig Anishinábe Akoziwigamig' ashidj apích ka mádjǐshkátowadjen inen Kichi Ogimá ta mikáganiwan ondaje : www.IHClassAction.ca. Kida nǐndáhiwen ondaje Info-IH@IHClassAction.ca kidji oditinaman mawandobíhigewin.

AWENEN TASH NAYABISHKAGEDJ TIBAKONIDIWIN?

Tibákonigewininiwag ondji iyo ijichigewin, Koskie Minsky LLP, Cooper Regel LLP, Merchant Law Group LLP, ashidj Klein Lawyers LLP. Pepejig ogog tibákonigewininiwag kida mikawag wayekwáhí awasoma Mámidonábandamowin.

Kín tibinawe ká'n kida kǐjǐkázín awaso tibákonidiwin. Ogog Tibákonigewininiwag ká'n kǐjǐkáganewosíg nakág awaso Minwábandán Inákonigewin, Mino Pimádzi Wídókázowin, konima kaye Andakikenindjigewin ashidj Kesháwádj Ijichigewin. Tibákonigewininiwag oga kwagwedjimán Kichi Tibákonidiwin kidji odápinang kidji kǐjǐkáng nenínáwinige Kánáddá.

MINWABANDAN INAKONIGEWIN KIDJI NONDAGOG

Apích **Odeyimin Kízis 10 ashidj 11, 2025**, Kichi Tibákonidiwin oga pizindam kidji odápinang inakág iye Minwábandamowin, ashidj kidji odápinang Tibákonigewinini Kǐjǐkázowin. Tibákonidiwin oga tibewagenindan kǐshpin minwábandang iye Minwábandamowin mayena, ondjisin, ashidj kinawe wanishishin ondji kakina awiya pamákánodjig.

AWEGONEN NIKWAYAKICHIGANAN ASHIDJ NAWANJONIGEWINAN?

1. Ká'n kego todagen

Kǐshpin minwenindaman mámawi iyo nígán Minwábandamowin, ká'n kego todagen. Kǐshpin Tibákonidiwin minwábandang awaso Minwábandamowin, nígán tibadjimowin kida mígiwániwan ánin maya kegwagwedwen ondji wídókázowin.

2. Nagáyákwí ondji iyo Minwábandamowin ashidj/konima Tibákonigewinini kǐjǐkázowin pagosenindang Tibákonigewininiwag

Kǐshpin nagáyákwín ondji iyo Minwábandamowin, konima kǐjǐkázowin pagosenindang Tibákonigewininiwag, ashidj EGA nandawenindaman iyo Minwábandamowin konima gaye ono kǐjǐkázowin ke inákonigedjig Kichi Tibákonidiwin, kida móshkinebíyan Nagáyákwí Eshkwemag ashidj kida ijinájihan Mámidonábandán Meyáwosedj chibwámashi Wábigon Kízis 23, 2025 ábadjito awaso nísehí. Tibákonidiwin Abidjig ká'n mámakádj kida kitinamadizo iye wídókázowin kǐshpin ega odápinigádeg iyo Minwábandamowin mámawi Kichi Tibákonidiwin.

Kida mikán iye Nagáyákwí Eshkwemag ayeng Tibákonidiwin mizimizide nandagikenindjigan : www.IHClassAction.ca konima gaye madwesidjige Mámidonábandán Meyáwosedj 1-888-592-9101 konima gaye Info-IH@IHClassAction.ca, konima gaye ijinájigen índi oma : Federal Indian Hospitals Notice Administrator, 410-220, 12 Avenue SW, Building C, Calgary, Alberta T2R 0E9.

Pagidjiwebinan iyo tibákonidiwin

Kǐshpin ega nandawenindaman wídókázowin ondaje iye Minwábandamowin ashidj misawenindaman kidji ganawenindaman ijiwebad nakag madji ahindowin, ashidina kitawenindamowin, madji ikidowin, nindaziwagan ashidj/konima wísagápinakí mámawi 'Kichi Ogimáwigamig Anishinábe Akoziwigamig', kida 'akondiz' indaje.

Kidji pagidjiwebinaman, mámakadj ke mígiwen Eshkwemag chibwámashi Ishkwáseg. Pagidjiwebinaman Ishwáseg mí iye apích ningodwásomidana

(60) kǐjigon tasogonagwag apích Tibákonidiwin odápinang iyo Minwábandamowin.

Kida mikán Pagidjiwebinaman Eshkwemag nakág Kichi Ogimáwigamig Anishinábe Akoziwigamig Tibákonidiwin mizimizide nandagikenindjigan : www.IHClassAction.ca konima gaye ganónadj Minwábandan Meyáwosedj ayeng 1-888-592-9101 konima gate Info-IH@IHClassAction.ca, konima gaye nǐndáhiwen: Federal Indian Hospitals Notice Administrator, 410-220, 12 Avenue SW, Building C, Calgary, Alberta T2R 0E9.

Pagidjiwebinamen ká'n násáb ánwetán iyo Minwábandan. Kǐshpin ánwetáman mámawi iyo Minwábandan Inákonigewin, kida wíndamawág inenindamowin mámawi iyo Pagidjiwebinan Eshkwemag násáb ka ojibíhigádeg ishpinig.

3. Akawábandan tibákonidiwin

Kǐshpin wí akwábiyen iye Minwábandan Tibákonidiwin, kida pǐndige kín tibinawe Odáwá, Ontariong, konima gaye kida ábadjito mazinádjigan ketagog ondji awiyag ayeng www.IHClassAction.ca.

KINAWE ANDOKIKENINDAMAN

Kinawe andokikenindaman nakág awaso Minwábandan Tibákonidiwin, kida mawadisán Kichi Ogimáwigamig Anishinábe Akoziwigamigon Tibákonidiwin mizimizide nandagikendjigan ayeng: www.IHClassAction.ca.

Kida ganóná owa Minwábandan Meyáwosedj ayeng 1-888-592-9101 konima gaye Info-IH@IHClassAction.ca, konima gaye nínddhiwen ayeng : Federal Indian Hospitals Notice Administrator, 410-220, 12 Avenue SW, Building C, Calgary, Alberta T2R 0E9.

Kida ganónág Tibákonigewiniwag ayeng ondaje nísehí. Ká'n kego enagindágwakisinon kidji ganónadj Tibákonininiwag ondji iyo tibákonidiwin konima gaye Nígán Inakág Inakonigewin.

Koskie Minsky LLP 20 Queen St West
Toronto, ON M5H 3R4
Email: indianhospitalsclassaction@kmlaw.ca
Phone: 1-866-777-6308

Cooper Regel LLP 77 Chippewa Road
Sherwood Park, AB T8A 6J7
Email: info@cooperregel.ca
Phone: 1-866-777-6308

Merchant Law Group LLP 2710 17th Avenue SE
Calgary, AB T2A 0P6
Email: hospitals@merchantlaw.com
Phone: 1-888-652-7020

Klein Lawyers LLP 1385 West 8th Avenue #400
Vancouver, BC V6H 3V9
Phone: 604-874-7171
Email: ihclassaction@callkleinlawyers.com

Iyo Mámidonábandán kí minwábandagáde mámawi Kichi Tibákonidiwin.